

Պատահական շպետք է համարել այն, որ նրա հրամանով է արտագրվել 972 թվականին Բարսեղ Կեսարացու «Յաղագս ճգնաւորաց» գրքի թարգմանությունը:

Այս երեք առաջնորդների օրով է կառուցվել Սանահնի Ամենափրկիչ եկեղեցին, որ վանքի գլխավոր տաճարն է հանդիսանում, և այս առաջին երեք վանահայրերն են,

որ Սանահնում կազմակերպել են միաբանությունը և հիմնադրել վանքը:

979 թվականին Անիի Սմբատ Տիեզերակալ թագավորն այցելության է եկել Սանահին և այնտեղ եղած ժամանակ արքայական հատուկ հրովարտակով Սանահնի վանքը դարձրել է Լոռի-Տաշիրքի հոգևոր կենտրոն և այնտեղ հիմնադրել է եպիսկոպոսություն՝



Նկ. 18. Ջալալյանների տոհմական տապանատունը հս ամ կողմից:

հատկացնելով նրան ընդարձակ վիճակ՝ Վրաստանի սահմանից սկսած մինչև Նիզ և Շիրակ գավառները:

Այդ Հրովարտակից իմանում ենք, որ Սմբատ Տիեզերակալի հայրը և մայրը՝ Աշոտ Ողորմածն ու նրա կին Խոսրովանուշ թագուհին, Սանահնի վանքը հիմնարկելու միջոցին բազմաթիվ գյուղեր և կալվածքներ են նվիրել վանքին՝ նրա միաբանության գոյության համար տնտեսական հիմք ստեղծելու նպատակով: Այդ բոլորից հետո Սմբատը հայոց Խաչիկ կաթողիկոսի միջոցով Սա-

նահնի վանահայր Եսայիին Տաշիրքի եպիսկոպոս է ձեռնադրել:

Հրովարտակի պատճենի տակ, «Քոթուկի» մեջ հետևյալ դիտողությունն է գրված նույն գրչի ձեռքով.

«Ի սոյն արինակաւ Դաւիթ թագաւորն և Դէոսկորոս կաթողիկոսն և Միքայէլ կաթողիկոսն կարգեալ և հաստատեալ ի գէլ արարեալ են, որ կայ հաստատուն, անխափան»<sup>1</sup>:

Վիմական արձանագրություններից երեւում է, որ Եսային երկար ժամանակ է եղել

<sup>1</sup> Այս հրովարտակը «Քոթուկից» արտագրել և հրատարակել է Ջալալյանցն իր «Օճնապարհորդութիւն ի Մեծն Հայաստան» գրքի առաջին մասում, էջ 43—44: Այդ հրովարտակը հիմք է ծառայել նույնիսկ 19-րդ դարի առաջին կեսին Սանահնի վիճակը վերականգնելուն, ինչպես այդ մասին վկայում է Ջալալյանցն իր գրքի 45 էջում. «Այս վիճակ ժամանակ առ ժամանակ նորոգեցաւ և հաստատեցաւ յաւուրս մեր»: Հրովարտակը Ջալալյանցից արտագրել է ամբողջութեամբ Դեանդ վ. Մովսէսյանցը, որը հիմք է համարում Տաշիրքի թագավորության հիմնադրմանը: Տե՛ս նրա «Լոռիի Կիրիլեկեան թագաւորներու պատմութիւնը», էջ 24: